

ПАНИХИДА для чтения мирянами

Молитвами святых отец наших, Господи Иисусе Христе Боже наш, помилуй нас. Аминь.

Святый Боже, Святый крепкий, Святый бессмертный, помилуй нас. *(Трижды)*
Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды)* Слава, и ныне¹¹:

Отче наш, Иже еси на небесах, да святится имя Твое, да придет царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй *(12 раз)*. Слава, и ныне:

Приидите, поклонимся Цареву нашему Богу. *(Поклон.)*

Приидите, поклонимся и припадём Христу, Цареву нашему Богу. *(Поклон.)*

Приидите, поклонимся и припадём Самому Христу, Цареву и Богу нашему. *(Поклон.)*

Псалом 90

Живый в помощи Вышняго, в крове Бога небеснаго водворится. Речет Господеви: заступник мой еси и прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешься, оружием объдет тя истина Его. Не убойшися от страха ночнаго, от стрелы летящая во дни, от вещи во тьме переходящая, от сряща¹² и беса полуденнаго. Падет от страны твоей тысяща, и тьма одесную тебе, к тебе же не приблизится, обаче очима твоима смотриши и воздаяние грешников узриши. Яко Ты, Господи, упование мое; Вышняго положил еси прибежище твое. Не придет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою; на аспида и василиска наступиши, и попереши льва и змия. Яко на Мя упова, и избавлю и; покрою и, яко позна имя мое. Воззовет ко Мне, и услышу его, с ним есмь в скорби, изму его и прославлю его, долготою дней исполню его и явлю ему спасение мое.

Слава, и ныне: Аллилуия, аллилуия, аллилуия, слава Тебе, Боже. *(Трижды)*
Господи, помилуй. *(12 раз)*

Глас 8-й

Стих 1: Аллилуия, аллилуия, аллилуия.

Припев: Аллилуия, аллилуия, аллилуия.

Стих 2: Блажен, егже избрал и приял еси, Господи

(или: Блажена, юже избрал и приял еси, Господи,

или: Блажени, яже избрал и приял еси, Господи).

Привев: Аллилу́ия, аллилу́ия, аллилу́ия.

Стих 3: Па́мять егó (ея́, их) в род и род.

Привев: Аллилу́ия, аллилу́ия, аллилу́ия.

Стих 4: Душа́ егó (ея́) во благі́х водворі́тся
(или: Ду́ши их во благі́х водворя́тся).

Привев: Аллилу́ия, аллилу́ия, аллилу́ия.

Тропарь, глас 8-й

Глубино́ю му́дрости человеколю́бно вся стрóяй, и полéзное всем подава́яй, еди́не Содéтелю, упоко́й, Го́споди, ду́ши раб Твои́х, на Тя бо упова́ние возложи́ша, Творца́ и Зижді́теля и Бо́га на́шего. (*Дважды*)

Слава, и ныне, Богородичен:

Тебе́ и стéну, и приста́нище і́мамы, и моли́твенницу благоприя́тну к Бо́гу, Егóже родила́ еси́, Богоро́дице безневе́стная, ве́рных спасéние.

Кафисма семнадцатая

(поется на 2-й глас или читается)

¹ Блаже́ни непоро́чнии в путь, ходя́щия в зако́не Господни.

Привев: Помяни́, Го́споди, ду́ши раб Твои́х (ду́шу раба́ Твоегó, рабы́ Твоея́) ^[3].

² Блаже́ни испытáющи свидéния Его́, всем сéрдцем взы́щут Его́, ³ не дéлающи бо беззакóния, в путéх Его́ ходи́ша. ⁴ Ты заповéдал еси́ заповеди Твоя́ сохрані́ти зело́. ⁵ Дабы́ испра́вились пути́е мой, сохрані́ти оправда́ния Твоя́. ⁶ тогда́ не постыжуся́, внегда́ призрети́ ми на вся заповеди Твоя́. ⁷ Испове́мся Тебе́ в пра́вости сéрдца, внегда́ научі́ти ми ся судьба́м пра́вды Твоея́. ⁸ Оправда́ния Твоя́ сохраню́, не оста́ви мене́ до зела́. ⁹ В чесóм испра́вит ю́нейший путь свой; внегда́ сохрані́ти словеса́ Твоя́. ¹⁰ Всем сéрдцем мо́им взыска́х Тебе́, не отри́ни мене́ от заповедей Твои́х. ¹¹ В сéрдце мо́ем скрых словеса́ Твоя́, яко́ да не согрешу́ Тебе́. ¹² Благословéн еси́ Го́споди, научи́ мя оправда́нием Твои́м.

Привев: Помяни́, Го́споди, ду́ши раб Твои́х (ду́шу раба́ Твоегó, рабы́ Твоея́).

¹³ Устна́ма мо́има возвесті́х вся судьбы́ уст Твои́х. ¹⁴ На пути́ свидéний Твои́х наслади́хся, яко́ о всяком богáтстве. ¹⁵ В заповедех Твои́х поглумлю́ся, и уразумею́ пути́ Твоя́. ¹⁶ Во оправда́ниих Твои́х поучуся́, не забúду словес Твои́х. ¹⁷ Возда́ждь рабу́ Твоему́: живи́ мя, и сохраню́ словеса́ Твоя́. ¹⁸ Открый́ óчи мой, и уразумею́ чудеса́ от зако́на Твоегó. ¹⁹ Пришле́ц аз есмь на земли́: не скрый от мене́ заповеди Твоя́. ²⁰ Возлюби́ душа́ моя́ возжелáти судьбы́ Твоя́ на всякое вре́мя. ²¹ Запреті́л еси́ горды́м: про́кляти уклоня́ющиися от заповедей Твои́х. ²² Отыми́ от мене́ поно́с и уничиже́ние, яко́ свидéний Твои́х взыска́х.

Привев: Помяни́, Го́споди, ду́ши раб Твои́х (ду́шу раба́ Твоегó, рабы́ Твоея́) ^[4].

²³ Ибо седоша князи, и на мя клеветашу, раб же Твой глумляшеся во оправданиях Твоих: ²⁴ Ибо свидения Твоя поучение мое есть, и совети мои оправдания Твоя. ²⁵ Прильпе земли душа моя, живи мя по словеси Твоему.

Припев: Помяни, Господи, души раб Твоих (душу раба Твоего, рабы Твоея).

²⁶ Пути мой возвестих, и услышал мя еси: научи мя оправданием Твоим: ²⁷ Путь оправданий Твоих вразуми ми, и поглумлюся в чудесах Твоих. ²⁸ Воздрема душа моя от уныния: утверди мя в словах Твоих. ²⁹ Путь неправды остави от мене, и законом Твоим помилуй мя.

Припев: Помяни, Господи, души раб Твоих (душу раба Твоего, рабы Твоея).

³⁰ Путь истины избових, и судьбы Твоя не забых. ³¹ Прилепихся свидением Твоим, Господи, не посрами мене. ³² Путь заповедей Твоих текых, егда расширил еси сердце мое. ³³ Законоположи мне, Господи, путь оправданий Твоих, и взыщу и вину: ³⁴ Вразуми мя, и испытаю закон Твой, и сохраню и всем сердцем моим. ³⁵ Настави мя на стезю заповедей Твоих, яко тую восхотех. ³⁶ Приклони сердце мое во свидения Твоя, а не в лихоимство. ³⁷ Отврати очи мои, еже не видети суеты, в пути Твоем живи мя.

Припев: Помяни, Господи, души раб Твоих (душу раба Твоего, рабы Твоея).

³⁸ Постави рабу Твоему слово Твое в страх Твой. ³⁹ Отыми поношение мое, еже непщевах: яко судьбы Твоя благи. ⁴⁰ Се возжелал заповеди Твоя, в правде Твоей живи мя. ⁴¹ И да придет на мя милость Твоя Господи, спасение Твое по словеси Твоему. ⁴² И отвечаю поношающим ми слово: яко уповал на слова Твоя. ⁴³ И не отыми от уст моих слова истинна до зела, яко на судьбы Твоя уповал. ⁴⁴ И сохраню закон Твой вину, в век и в век века. ⁴⁵ И хождал в широте, яко заповеди Твоя взыскал. ⁴⁶ И глаголах о свидениях Твоих пред царя, и не стыдяхся: ⁴⁷ И поучахся в заповедех Твоих, яже возлюбил зело: ⁴⁸ И воздвигох руке мой к заповедем Твоим, яже возлюбил, и глумляхся во оправданиях Твоих. ⁴⁹ Помяни слова Твоя рабу Твоему, ихже упование дал ми еси. ⁵⁰ То мя утеши во смирении моем, яко слово Твое живи мя. ⁵¹ Гордии законопреступаху до зела: от закона же Твоего не уклонихся. ⁵² Помянух судьбы Твоя от века, Господи, и утешихся. ⁵³ Печаль прият мя от грешник, оставляющих закон Твой. ⁵⁴ Пета бяху мне оправдания Твоя, на месте пришельствия моего. ⁵⁵ Помянух в нощи Имя Твое, Господи, и сохраних закон Твой. ⁵⁶ Сей бысть мне, яко оправданий Твоих взыскал. ⁵⁷ Часть моя еси, Господи, рех сохранити закон Твой. ⁵⁸ Помолихся лицу Твоему всем сердцем моим,

помилуй мя по словеси Твоему.

Приве́д: Помяни́, Го́споди, ду́ши раб Твои́х (ду́шу раба́ Твоего́, рабы́ Твоея́).

⁵⁹ Помыслих пути́ Твоя́, и возврати́х но́зе мой во свидѣния Твоя́. ⁶⁰ Угото́вихся и не смути́хся сохра́нити за́поведи Твоя́. ⁶¹ Ужа грѣшник обяза́шася мне, и зако́на Твоего́ не забы́х. ⁶² Полу́нощи воста́х испове́даться Тебе́ о судьба́х пра́вды Твоея́. ⁶³ Прича́стник аз есмь всем бо́ящимся Тебе́, и храня́щим за́поведи Твоя́. ⁶⁴ Ми́лости Твоея́, Го́споди, испо́льнъ земля́: оправда́нием Твои́м научи́ мя. ⁶⁵ Бла́гость сотвори́л еси́ с рабо́м Твои́м, Го́споди, по словеси́ Твоему́. ⁶⁶ Бла́гости, и наказа́нию и разу́му научи́ мя,
я́ко за́поведем Твои́м ве́ровах.

Приве́д: Помяни́, Го́споди, ду́ши раб Твои́х (ду́шу раба́ Твоего́, рабы́ Твоея́).

⁶⁷ Пре́жде да́же не смири́ти ми ся, аз прегреша́х: сегó ра́ди сло́во Твое́ сохра́них. ⁶⁸ Благ еси́ Ты, Го́споди, и бла́гостию Твоею́ научи́ мя оправда́нием Твои́м. ⁶⁹ Умно́жися на мя непра́вда го́рдых, аз же всем се́рдцем мои́м испыта́ю за́поведи Твоя́. ⁷⁰ Усыри́ся я́ко млѣко се́рдце их, аз же зако́ну Твоему́ поучи́хся. ⁷¹ Благо́ мне, я́ко смири́л мя еси́, я́ко да научу́ся оправда́нием Твои́м. ⁷² Благ мне зако́н уст Твои́х,
па́че ты́сящ зла́та и серебра́.

Приве́д: Помяни́, Го́споди, ду́ши раб Твои́х (ду́шу раба́ Твоего́, рабы́ Твоея́).

⁷³ Ру́це Твои́ сотвори́сте мя

Приве́д: Помяни́, Го́споди, ду́ши раб Твои́х (ду́шу раба́ Твоего́, рабы́ Твоея́).

и созда́сте мя: вразуми́ мя, и научу́ся за́поведем Твои́м. ⁷⁴ Бо́ящиися Тебе́ у́зрят мя и возвеселя́тся, я́ко на словеса́ Твоя́ упова́х. ⁷⁵ Разуме́х Го́споди, я́ко пра́вда судьбы́ Твоя́, и вои́стинну смири́л мя еси́. ⁷⁶ Буди́ же ми́лость Твоя́, да утѣшит мя по словеси́ Твоему́ рабу́ Твоему́. ⁷⁷ Да прии́дут мне щедро́ты Твоя́, и жив бу́ду, я́ко зако́н Твой поучѣ́ние моё есть. ⁷⁸ Да посты́дятся го́рдии, я́ко непра́ведно беззаконно́ваша на мя, аз же поглумлю́ся в за́поведех Твои́х. ⁷⁹ Да обратя́т мя бо́ящиися Тебе́, и ве́дящи свидѣ́ния Твоя́. ⁸⁰ Буди́ се́рдце моё непоро́чно во оправда́ниях Твои́х, я́ко да не постыжу́ся. ⁸¹ Исчеза́ет во спасѣ́ние Твое́ душа́ моя́, на словеса́ Твоя́ упова́х. ⁸² Исчезо́ша о́чи мой в сло́во Твое́, глаго́люще: когд́а утѣшиши мя; ⁸³ Зане́ бых я́ко мех на сла́не: оправда́ний Твои́х не забы́х. ⁸⁴ Коли́ко есть дней раба́ Твоего́; когд́а сотвори́ши ми от гоня́щих мя суд; ⁸⁵ Повѣда́ша мне законопресту́пницы глумле́ния, но не я́ко зако́н Твой, Го́споди. ⁸⁶ Вся за́поведи Твоя́ и́стина: непра́ведно погна́ша мя, помози́ ми. ⁸⁷ Вма́ле не сконча́ша мене́ на землі́: аз же не оста́вих за́поведей Твои́х.

⁸⁸ По ми́лости Твое́й живи́ мя,

Приве́д: Помяни́, Го́споди, ду́ши раб Твои́х (ду́шу раба́ Твоего́, рабы́ Твоея́).

и сохраню свидения уст Твоих. ⁸⁹ Во век, Господи, слово Твое пребывает на Небесі. ⁹⁰ В род и род истина Твоя. Основал еси землю, и пребывает. ⁹¹ Учинением Твоим пребывает день, яко всяческая работна Тебе.

Затем поем или читаем следующие стихи с припевом трижды:

⁹² *Яко аще бы не закон Твое поучение мое был, тогда убо погыл бых во смирении моем.* ⁹³ *Во век не забуду оправданий Твоих, яко в них оживил мя еси.*

Припев: Помяни, Господи, души раб Твоих (душу раба Твоего, рабы Твоея).

Господи, помилуй (40 раз).

Помяни, Господи Боже наш, в вере и надежди живота вечнаго усопшаго раба Твоего (усопшую рабу Твою, усопших раб Твоих) (имена их), и яко благ и человеколюбец, отпускай грехи, и потребляй неправды, ослаби, остави, и прости вся вольная его (ея) согрешения и невольная, возставляя его (ю) во святое второе пришествие Твое в причастие вечных Твоих благ, ихже ради в Тя единого верова, истиннаго Бога и человеколюбца; яко Ты еси воскресение и живот, и покой рабу Твоему (рабе Твоей, рабом Твоим) (имена их), Христе Боже наш, и Тебе славу возсылаем, со безначальным Твоим Отцем, и с Пресвятым Духом, ныне и присно и во веки веков, аминь.

⁹⁴ Твой есмь аз, спаси мя:

Припев: Упокой, Господи, души раб Твоих (душу раба Твоего, рабы Твоея).

яко оправданий Твоих взысках.

Припев: Упокой, Господи, души раб Твоих (душу раба Твоего, рабы Твоея).

⁹⁵ Меня ждаша грешницы погубити мя, свидения Твоя разумех. ⁹⁶ Всякия кончины видех конец, широка заповедь Твоя зело. ⁹⁷ Коль возлюбих закон Твой, Господи, весь день поучение мое есть. ⁹⁸ Паче враг моих умудрил мя еси заповедию Твоею, яко в век моя есть. ⁹⁹ Паче всех учащих мя разумех, яко свидения Твоя поучение мое есть. ¹⁰⁰ Паче старец разумех, яко заповеди Твоя взысках. ¹⁰¹ От всякаго пути лукава возбраних ногам моим, яко да сохраню словеса Твоя. ¹⁰² От судеб Твоих не уклонихся, яко Ты законоположил ми еси. ¹⁰³ Коль сладка гортани моему словеса Твоя, паче меда устом моим. ¹⁰⁴ От заповедей Твоих разумех, сего ради возненавидех всяк путь неправды. ¹⁰⁵ Светильник ногам моим закон Твой, и свет стезям моим. ¹⁰⁶ Кляхся и поставих сохранити судьбы правды Твоея. ¹⁰⁷ Смирихся до зела,

Господи, живи мя по словеси Твоему.

Приве́в: Упоко́й, Го́споди, ду́ши раб Твои́х (ду́шу раба́ Твоего́, рабы́ Твоея́).

¹⁰⁸ Во́льная уст мои́х благоволи́ же, Го́споди, и судьба́м Твои́м научи́ мя. ¹⁰⁹ Душа́ моя́ в руку́ Твоею́ вѣну, и зако́на Твоего́ не забых. ¹¹⁰ Положи́ша грѣшницы сеть мне, и от за́поведей Твои́х не заблуди́х. ¹¹¹ Наслѣдовах свидѣния Твоя́ во век, яко́ ра́дование се́рдца моего́ суть. ¹¹² Приклони́х се́рдце моё сотвори́ти оправда́ния Твоя́ в век за воздая́ние. ¹¹³ Законопресту́пныя возненави́дех, зако́н же Твой возлюбих. ¹¹⁴ Помо́щник мой и Засту́пник мой еси́ Ты, на словеса́ Твоя́ упова́х.

Приве́в: Упоко́й, Го́споди, ду́ши раб Твои́х (ду́шу раба́ Твоего́, рабы́ Твоея́).

¹¹⁵ Уклоните́ся от мене́ лука́внующи, и испыта́ю за́поведи Бо́га моего́. ¹¹⁶ Засту́пи мя по словеси́ Твоему́, и жив бу́ду, и не посрами́ мене́ от ча́яния моего́. ¹¹⁷ Помози́ ми, и спасу́ся, и поучу́ся во оправда́ниях Твои́х вѣну. ¹¹⁸ Уничжи́л еси́ вся отступа́ющия от оправда́ний Твои́х, яко́ неправедно помышле́ние их. ¹¹⁹ Преступа́ющия непщева́х вся грѣшныя земли́, сего́ ра́ди возлюбих свидѣния Твоя́. ¹²⁰ Пригвозди́ страху́ Твоему́ плоти́ моя́, от суде́б бо Твои́х убо́ялся. ¹²¹ Сотвори́х суд и пра́вду, не преда́ждь мене́ обидя́щим мя.

Приве́в: Упоко́й, Го́споди, ду́ши раб Твои́х (ду́шу раба́ Твоего́, рабы́ Твоея́).

¹²² Восприими́ раба́ Твоего́ во бла́го, да не оклеветают мене́ горди́и. ¹²³ Очи мои́ исчезо́сте во спасе́ние Твое́, и в сло́во пра́вды Твоея́. ¹²⁴ Сотвори́ с рабо́м Твои́м по ми́лости Твое́й, и оправда́нием Твои́м научи́ мя. ¹²⁵ Раб Твой есмь аз: вразуми́ мя, и увѣм свидѣния Твоя́. ¹²⁶ Время сотвори́ти Го́сподеви: разори́ша зако́н Твой. ¹²⁷ Сего́ ра́ди возлюбих за́поведи Твоя́ па́че злата́ и топа́зия. ¹²⁸ Сего́ ра́ди ко всем за́поведем Твои́м направля́хся, всяк путь неправды́ возненави́дех. ¹²⁹ Дѣвна свидѣния Твоя́, сего́ ра́ди испыта́ я душа́ моя́. ¹³⁰ Явле́ние словес́ Твои́х просвещает и вразумляет младе́нцы. ¹³¹ Уста́ моя́ отверзо́х, и привлеко́х дух, яко́ за́поведей Твои́х желáх.

Приве́в: Упоко́й, Го́споди, ду́ши раб Твои́х (ду́шу раба́ Твоего́, рабы́ Твоея́).

¹³² При́зри на мя и поми́луй мя,

Приве́в: Упоко́й, Го́споди, ду́ши раб Твои́х (ду́шу раба́ Твоего́, рабы́ Твоея́).

по суду́ любя́щих и́мя Твое́.

Приве́в: Упоко́й, Го́споди, ду́ши раб Твои́х (ду́шу раба́ Твоего́, рабы́ Твоея́).

¹³³ Стопы́ моя́ напра́ви по словеси́ Твоему́, и да не облада́ет мно́ю всякое беззакони́е. ¹³⁴ Изба́ви мя от клеветы́ челове́ческа́я, и сохрани́ за́поведи Твоя́. ¹³⁵ Лице́ Твое́ просвети́ на раба́ Твоего́, и научи́ мя оправда́нием Твои́м. ¹³⁶ Исхо́дища водна́я изведо́сте о́чи мои́, поне́же не сохрани́х зако́на

Твоего. ¹³⁷ Праведен еси, Господи, и прави суди Твои. ¹³⁸ Заповедал еси правду свидения Твоя и истину зело. ¹³⁹ Истаяла мя есть ревность Твоя, яко забыша словеса Твоя врази мои. ¹⁴⁰ Разжжено слово Твое зело, и раб Твой возлюбил е. ¹⁴¹ Юнейший аз есмь и уничижен, оправданий Твоих не забых.

¹⁴² Правда Твоя правда во век,

Приве: Упокой, Господи, души раб Твоих (душу раба Твоего, рабы Твоея).

и закон Твой истина. ¹⁴³ Скорби и нужды обретоша мя, заповеди Твоя поучение мое. ¹⁴⁴ Правда свидения Твоя в век, вразуми мя, и жив буду. ¹⁴⁵ Возвах всем сердцем моим, услыши мя, Господи, оправдания Твоя взыщу. ¹⁴⁶ Возвах Ти, спаси мя, и сохрани свидения Твоя. ¹⁴⁷ Предварих в безгодии и возвах, на словеса Твоя уповах. ¹⁴⁸ Предваристе очи мои ко утру, поучитися словесем Твоим. ¹⁴⁹ Глас мой услыши, Господи, по милости Твоей: по судьбе Твоей живи мя. ¹⁵⁰ Приблужишася гонящие мя беззаконием, от закона же Твоего удалюшася. ¹⁵¹ Близ еси Ты, Господи, и вси пути истина. ¹⁵² Исперва познах от свидений Твоих, яко в век основал я еси. ¹⁵³ Види смирение мое и измени мя,

яко закона Твоего не забых.

Приве: Упокой, Господи, души раб Твоих (душу раба Твоего, рабы Твоея).

¹⁵⁴ Суди суд мой и избави мя, словесе ради Твоего живи мя. ¹⁵⁵ Далече от грешник спасение, яко оправданий Твоих не взыскаша. ¹⁵⁶ Щедроты Твоя многи, Господи, по судьбе Твоей живи мя. ¹⁵⁷ Мнози изгонящие мя и стужающие ми, от свидений Твоих не уклонихся. ¹⁵⁸ Видех неразумеваящие и истаях, яко словеса Твоих не сохраниша. ¹⁵⁹ Види, яко заповеди Твоя возлюбих, Господи, по милости Твоей живи мя. ¹⁶⁰ Начало словеса Твоих истина, и во век вся судьбы правды Твоея. ¹⁶¹ Князи погнаша мя туне, и от словеса Твоих убоюсь сердце мое. ¹⁶² Возрадуюся аз о словесах Твоих, яко обретая корысть многу. ¹⁶³ Неправду возненавидех и омерзих,

закон же Твой возлюбих.

Приве: Упокой, Господи, души раб Твоих (душу раба Твоего, рабы Твоея).

¹⁶⁴ Седмерицею днем хвалих Тя о судьбах правды Твоея. ¹⁶⁵ Мир любящим закон Твой, и несть им соблазна. ¹⁶⁶ Чаях спасения Твоего, Господи, и заповеди Твоя возлюбих. ¹⁶⁷ Сохрани душа моя свидения Твоя и возлюби я зело. ¹⁶⁸ Сохраних заповеди Твоя и свидения Твоя, яко вси пути мои пред Тобою, Господи. ¹⁶⁹ Да приблизится моление мое пред Тя, Господи, по словеси Твоему вразуми мя. ¹⁷⁰ Да внидет прошение мое пред Тя,

Господи, по словеси Твоему избави мя.

Припев: Упокой, Господи, души раб Твоих (душу раба Твоего, рабы Твоея).

¹⁷¹Отрыгнут устне мой пение, егда научиши мя оправданием Твоим. ¹⁷²Провещает язык мой словеса Твоя, яко вся заповеди Твоя правда. ¹⁷³Да будет рука Твоя еже спасти мя, яко заповеди Твоя изволих. ¹⁷⁴Возжелал спасение Твое, Господи, и закон Твой поучение мое есть.

Затем поем или читаем следующие стихи с припевом трижды:

¹⁷⁵Жива будет душа моя и восхвалит Тя, и судьбы Твоя помогут мне

¹⁷⁶Заблудих, яко овча погибшее: взыщи раба Твоего, яко заповедей Твоих не забых.

Припев: Упокой, Господи, души раб Твоих (душу раба Твоего, рабы Твоея).

Тропари, глас 5-й

Припев: Благословен еси, Господи, научи мя оправданием Твоим.

Святых лик обрете источник жизни, и дверь райскую, да обрящу и аз путь покаянием. Погибшее овча аз есмь, воззови мя, Спасе, и спаси мя.

Благословен еси, Господи, научи мя оправданием Твоим.

Агнца Божия проповедавшие, и заклани бывшие якоже агнцы, и к жизни нестареемей, святии, и присносущней преставльшесе, Того прилежно, мученицы, молитве долгов разрешение нам даровати.

Благословен еси, Господи, научи мя оправданием Твоим.

В путь узкий хождшии прискорбный, вси в житий крест яко ярем вземшии, и Мне последовавшия верою, приидите насладитесь, ихже уготовах вам почестей, и венцев небесных.

Благословен еси, Господи, научи мя оправданием Твоим.

Образ есмь неизреченная Твоея славы, аще и язвы ношу прегрешений; ущедри Твое создание, Владыко, и очисти Твоим благоутробием, и вожделенное отечество подаждь ми, рая паки жителя мя сотворяя.

Благословен еси, Господи, научи мя оправданием Твоим.

Древле убо от не сущих создавый мя, и образом Твоим Божественным почтый, преступлением же заповеди паки мя возвративый в землю, от неяже взят бых, на еже по подобию возведи, древнею добротою возобразитися.

Благословен еси, Господи, научи мя оправданием Твоим.

Упокой, Боже, раба Твоего (рабу Твою, рабы Твоя) и учини его (ю, я) в рай, идеже лица святых, Господи, и праведницы сияют яко светила; усопшаго раба Твоего (усопшую рабу Твою, усопшия рабы Твоя) упокой, презирая его (ея, их) вся согрешения.

Слава: Триси́ятельное Еди́наго Божества́ благочестно поём, вопи́юще: Свят еси́, О́тче безнача́льный, собезнача́льный Сы́не, и Божественный Ду́ше, просвети́ нас ве́рою Тебе́ служа́щих, и ве́чнаго огня́ исхити́.

И ны́не: *Богородичен:*

Ра́дуйся, Чи́стая, Бо́га плоти́ю ро́ждшая во спасе́ние всех, Ё́юже род челове́ческий обре́те спасе́ние, Тобо́ю да обря́щем рай, Богоро́дице чи́стая благослове́нная.

Аллилу́ия, аллилу́ия, аллилу́ия, сла́ва Тебе́, Бо́же. (*Трижды*)

Го́споди, поми́луй (*40 раз*).

Помяни́, Го́споди Бо́же наш, в ве́ре и наде́жди живота́ ве́чнаго усóпшаго раба́ Твоего́ (усóпшую рабу́ Твою́, усóпших раб Твои́х) (*имена их*), и я́ко благ и человеколю́бец, отпу́щаяй грехи́ и потребля́яй неправды, осла́би, оста́ви и прости́ вся во́льная его́ (ея́, их) согреше́ния и нево́льная, возставля́я его́ (ю́, их) во свято́е второ́е пришест́вие Твоё в прича́стие ве́чных Твои́х благ, ихже ра́ди в Тя Еди́наго ве́рова, и́стиннаго Бо́га и Человеколю́бца, я́ко Ты еси́ воскресе́ние и живо́т, и поко́й рабу́ Твоему́ (рабе́ Твое́й, рабо́м Твои́м) (*имена их*), Христé Бо́же наш, и Тебе́ сла́ву возсыла́ем, со безнача́льным Твои́м Отце́м, и с Пресвяты́м Ду́хом, ны́не и прísно и во ве́ки веко́в, ами́нь.

Седален, глас 5-й

Покóй, Спа́се наш, с пра́вдными раба́ Твоего́ (рабу́ Твою́, рабы́ Твоя́), и сегó (сию́, сия́) всели́ во двóры Твоя́, я́коже есть пи́сано, презира́я, я́ко благ, прегреше́ния его́ (её́, их), во́льная и нево́льная, и вся я́же в ве́дении, и не в ве́дении, Человеколю́бче.

Слава, и ны́не: *Богородичен:*

От Дёвы возсия́вый ми́ру, Христé Бо́же, сы́ны све́та То́ю показáвый, поми́луй нас.

Псалом 50

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззакóние моё́. Наипа́че омый́ мя от беззакóния моёго́, и от греха́ моёго́ очисти́ мя. Я́ко беззакóние моё́ аз зна́ю, и грех мой предо мно́ю есть вину́. Тебе́ еди́ному согреши́х и лука́вое пред Тобо́ю сотвори́х, я́ко да оправди́шия во словесе́х Твои́х и победи́ши, внегда́ суди́ти Ти. Се бо, в беззакóниях зача́т есмь, и во гресе́х роди́ мя ма́ти моя́. Се бо, и́стину возлюбил еси́, безвёстная и та́йная премудрости Твоея́ явил ми еси́. Окропи́ши мя иссо́пом, и очи́щуся, омы́еши мя, и па́че сне́га убелю́ся. Слу́ху моёму́ да́си ра́дость и весели́е, возра́дуются ко́сти смире́нныя. Отврати́ лице́ Твоё́ от грех мои́х, и вся беззакóния моя́ очисти́. Сёрдце чи́сто сози́жди во мне, Бо́же, и дух прав обнови́ во утробе́ мое́й. Не отвержи́ мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом влади́чним утверди́ мя. Научу́ беззакóнныя путе́м Твои́м, и нечестивии к Тебе́ обратят́ся. Изба́ви мя от крове́й, Бо́же, Бо́же спасе́ния моёго́, возра́дуется язы́к мой пра́вде Твое́й. Го́споди, устне́ мои́ отвёрзешы, и уста́ моя́ возвестят хвалу́ Твою́. Я́ко а́ще бы восхотёл еси́ жёртвы, дал бых у́бо, всесо́жже́ния не благоволи́ши. Жёртва Бо́гу дух сокруше́н, сёрдце сокруше́нно и смире́нно Бог не уничи́жит. Ублажи́, Го́споди,

благоволением Твоим Сиона, и да созиждутся стѣны Иерусалимския. Тогда благоволиши жѣртву правды, возношение и всесожегаемая, тогда возложат на олтарь Твой тельцы.

Затем читаем канон о усопшем (усопшей).